

ՀԱՍՏԱՏՎԱԾ Է՝
ԵՊՀ ԻԶԵՎԱՆԻ ՄԱՍՆԱՃՅՈՒՂԻ
ԳԻՏԱԿԱՆ ԽՈՐՀՐԴԻ
2012թ. սեպտեմբերի 17 թիվ 4 նիստում



ԳԽ. ՆԱԽԱԳԱՀ, ԽՍ ՏՆՕՐԵՆ
Ս.Ա. ԱՌԱՔԵԼՅԱՆ

ԿԱՆՈՆԱԴՐՈՒԹՅՈՒՆ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ

ԻԶԵՎԱՆԻ ՄԱՍՆԱՃՅՈՒՂԻ

ՈՒՍԱՆՈՂԱԿԱՆ ԽՈՐՀՐԴԻ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Երևանի պետական համալսարանի Իջևանի մասնաճյուղի Ուսանողական խորհուրդը (այսուհետ՝ ԵՊՀ ԻՄ ՈԻԽ) ԵՊՀ ԻՄ ուսանողության ներկայացուցչական, ինքնակառավարման և նրա ընկերային շահերը ներկայացնող մարձրագույն ընտրովի մարմինն է:
- 1.2. ԵՊՀ ԻՄ ՈԻԽ-ն ապաքաղաքական և ապակուսակցական կազմակերպություն է:
- 1.3. ՈԻԽ-ն արտահայտում և պաշտպանում է ուսանողության շահերը, նպաստում նրանց կրթական, գիտական, ստեղծագործական, ֆիզիկական, բարոյական և հոգևոր զարգացմանը:
- 1.4. ԵՊՀ ԻՄ ՈԻԽ-ն իր գործունեությունն իրականացնում է ՀՀ Սահմանադրությանը, ՀՀ գործող օրենսդրությանը, ԵՊՀ կանոնադրությանը և սույն կանոնադրությանը համապատասխան:
- 1.5. ԵՊՀ ԻՄ ՈԻԽ-ն ունի անկյունային դրոշմ, պաշտոնաթուղթ և իր գործունեությամբ ու նվիրատվությամբ ձեռք բերած ֆինանսական միջոցները տնօրինելու իրավունք:
- 1.6. ԵՊՀ ԻՄ ՈԻԽ-ի լրիվ անվանումն է հայերեն՝ Երևանի պետական համալսարանի Իջևանի մասնաճյուղի ուսանողական խորհուրդ, ռուսերեն՝ Студенческий совет Иджеванского филиала Ереванского государственного университета, անգլերեն՝ Student Council of Ijevan branch of Yerevan State University.
- 1.7. ԵՊՀ ՈԻԽ-ի հասցեն է՝ Հայաստանի Հանրապետություն, Տավուշի մարզ, Իջևան, 377260, Ուսանողական 3, Երևանի պետական համալսարան Իջևանի մասնաճյուղ:

2. ՆՊԱՏԱԿՆԵՐԸ ԵՎ ԳՈՐԾՈՒՆԵՈՒԹՅԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ

- 2.1. ԵՊՀ ԻՄ ՈԻԽ-ի նպատակն է՝

ա/ պաշտպանել ուսանողների շահերն ու իրավունքները,

բ/ ապահովել ուսանողների մասնակցությունը համալսարանի կառավարմանը,

գ/ համալսարանի կառավարման համապատասխան մարմինների քննարկմանը ներկայացնել ուսանողությանն առնչվող հարցեր,

դ/ մասնակցել ուսումնական գործընթացի կազմակերպմանը և ուսուցման արդյունավետության մարձրացմանն ուղղված ծրագրերի մշակմանն ու իրականացմանը,

ե/ իրազեկել ուսանողներին իրենց իրավունքների ու պարտականությունների մասին,

զ/ միավորել համալսարանի ուսանողական կազմակերպությունների, ակումբների և միությունների ջանքերը՝ նպաստելու ուսանողության համար բարենպաստ միջավայրի ձևավորմանը և խթանելու ուսանողների գիտական, կրթական, հոգևոր, մշակութային, ստեղծագործական ու ֆիզիկական զարգացմանը,

ը/ աջակցել ուսանողների սոցիալական վիճակի բարելավմանը, կազմակերպել ուսանողների ազատ ժամանցն ու հանգիստը,

թ/ մասնակցել ԵՊՀ ԻՄ տարածքում ներքին կարգապահության պահպանմանը,

ժ/ ինչպես նաև զբաղվել ուսանողներին հուզող այն խնդիրներով, որոնք նախատեսված չեն սույն կանոնադրությամբ:

2.2. ԵՊՀ ԻՄ ՈԻԽ-ն իր գործունեությունը ծավալում է՝ ելնելով նշված նպատակներից ու խնդիրներից: Այն համագործակցում է ՀՀ-ում և արտերկրում գործող բուհական, ուսանողական, երիտասարդական և այլ կազմակերպությունների, ինչպես նաև մասնավոր անձանց հետ՝ փոխհարաբերությունները կառուցելով պայմանագրային և համագործակցության ու փոխշահավետության հիմունքներով:

2.3. ՈԻԽ-ն սահմանված կարգով կարող է իրականացնել հրատարակչական գործունեություն:

3. ՈՒՍԱՆՈՂԱԿԱՆ ԽՈՐՀՐԴԻ ԸՆՏՐԱԿԱՆ ՀԱՆՁՆԱԺՈՂՈՎԸ

3.1. ԵՊՀ ԻՄ ՈԻԽ համագումարի պատվիրակների, ԵՊՀ ԻՄ ՈԻԽ-ի, ֆակուլտետային ՈԻԽ-ների ընտրությունները կազմակերպում է ԵՊՀ ԻՄ ՈԻԽ ընտրական հանձնաժողովը (հետայսու՝ ընտրական հանձնաժողով):

3.2. Ընտրական հանձնաժողովը բաղկացած է թվով 7 հոգուց, որոնցից 4-ը ներկայացվում են ԵՊՀ ԻՄ ՈԻԽ նախագահության, 2-ը՝ ԵՊՀ ԻՄ տնօրինության, 1-ը՝ ԵՊՀ ՈԻսանողական գիտական ընկերության նախագահության կողմից:

3.3. Ընտրական հանձնաժողովի նախագահը և քարտուղարը ընտրվում են հանձնաժողովի կազմից՝ ընտրական հանձնաժողովի առաջին նիստում:

3.4. Ընտրական հանձնաժողովը՝

ա/ հաստատում է իր գործունեության աշխատակարգը և ընտրությունների կազմակերպման ընթացակարգը,

բ/ կազմում է ընտրությունների ժամանակացույցը,

գ/ անհրաժեշտության դեպքում որոշում է կայացնում ընտրություններում ներկայացուցչական համամասնության վերաբերյալ (ընտրությունների ըստ կուրսի հոսքերի ու խմբերի կազմակերպում և այլն),

դ/ ամփոփում և հաստատում է ընտրությունների արդյունքները,

ե/ երկօրյա ժամկետում քննարկում է ընտրությունների կապակցությամբ ներկայացված բողոքները. ընտրությունների ելքի վրա ազդած կանոնակարգային խախտումների դեպքում որոշում է կայացնում ընտրություններն անվավեր ճանաչելու մասին,

զ/ ԵՊՀ ԻՄ ՈԻԽ պատվիրակների ընտրություններից հետո հրավիրում և կազմակերպում է ԵՊՀ ԻՄ ՈԻԽ նոր գումարման անդրանիկ Համագումարը,

3.5. Ընտրական հանձնաժողովի նիստն իրավագոր է, եթե դրան մասնակցում են անդամների թվի կեսից ավելին: Որոշումներն ընդունվում են ներկաների ձայների պարզ մեծամասնությամբ:

4. ՈՒՍԱՆՈՂԱԿԱՆ ԽՈՐՀՐԴԻ ՀԱՄԱԳՈՒՄԱՐԸ

4.1. ԵՊՀ ԻՄ ՈԻԽ քարձրագույն մարմինը ՈԻԽ Համագումարն է: Նախագահությունը ձևավորվում է 2 տարին մեկ անգամ պատվիրակներից, ֆակուլտետային ուսանողական խորհուրդների և ուսանողական գիտական ընկերությունների նախագահներից:

4.2. Համագումարը հրավիրվում է տարին մեկ անգամ՝ ՈԻԽ նախագահության կողմից: Արտահերթ համագումարը կարող է գումարվել ՈԻԽ նախագահության 2/3-ի պահանջով:

4.3. Պատվիրակ կարող են դառնալ այն ուսանողները, որոնց վերջին երկու կիսամյակի միջին գնահատականը 20 միավորանոց գնահատման համակարգով 13 և ավելի միավոր է, իսկ առաջին կուրսի դեպքում դիտարկվում է միայն մեկ կիսամյակի արդյունքները:

4.4. Ընտրությունը կատարվում է ըստ կուրսերի ուսանողական ժողովներում: Ժողովը իրավագոր է, եթե ներկա են ուսանողների կեսից ավելին: Ընտրությունը կատարվում է բաց քվեարկությամբ, եթե ներկաների ձայների թվի պարզ մեծամասնությամբ այդ մասին այլ որոշում չի կայացվում: Եթե երկու անգամ հրավիրված ժողովին չի մասնակցում ուսանողների կեսից ավելին, ապա ընտրական հանձնաժողովը կարող է որոշում ընդունել և ընտրությունները կազմակերպել ներկա ուսանողների մասնակցությամբ: Ընտրված է համարվում առավելագույն ձայներ հավաքած թեկնածուն:

4.5. Համագումարը՝

ա/ ընդունում է ՈԻԽ-ի կանոնադրությունը, փոփոխություններ և լրացումներ կատարում նրանում,

բ/ լսում և հաստատում է ՈԻԽ նախագահության տարեկան հաշվետվությունը,

գ/ քննարկում և սահմանում է ՈԻԽ-ի տարեկան գործունեության կարևորագույն ուղղությունները և առաջիկա տարվա ծրագրային առաջնայնությունները,

դ/ որոշում է կայացնում ՈԻԽ-ի վերակազմավորման վերաբերյալ,

ե/ հաստատում է նախագահության կազմը (բաց քվեարկությամբ),

զ/ ընտրում է ՈԻԽ վերստուգիչ հանձնաժողովի անդամներին:

Համագումարը իրավագոր է, եթե ներկա են պատվիրակների ընդհանուր թվի կեսից ավելին: Սույն կետի ա/ և դ/ ենթակետերով սահմանված հարցերը քննարկելիս որոշումներն ընդունվում են Համագումարի պատվիրակների ներկաների թվի 2/3-ի կողմ քվեարկելու դեպքում, իսկ մյուս հարցերը՝ ներկաների ձայների պարզ մեծամասնությամբ:

5. ՈԻՍԱՆՈՂԱԿԱՆ ԽՈՐՀՐԴԻ ՆԱԽԱԳԱՀՈՒԹՅՈՒՆԸ

5.1. Համագումարների միջև ընկած ժամանակաշրջանում ՈԻԽ աշխատանքները ղեկավարում է ԵՊՀ ԻՄ ՈԻԽ նախագահությունը:

5.2. ՈԻԽ նախագահության անդամներն են հանդիսանում մասնաճյուղի ՈԻԽ և ՈԻԳԸ նախագահները իրենց տեղակալներով, ֆակուլտետների ուս. խորհուրդների նախագահները իրենց տեղակալներով:

- 5.3. ՈԻԽ նախագահության անդամ կարող են լինել այն ուսանողները, որոնց միջին գնահատականը 20 միավորանոց գնահատման համակարգով 13 և ավելի միավոր է: Առաջին կուրսի դեպքում դիտարկվում է միայն մեկ կիսամյակի արդյունքները:
- 5.4. ՈԻԽ նախագահությունը իր կազմից երկու տարի ժամկետով ընտրում է ՈԻԽ նախագահ, նախագահի տեղակալ, քարտուղար, հանձնաժողովների նախագահներ:
- 5.5. ՈւԽ նախագահ կարող է ընտրվել ուսանողական խարհրդի այն անդամը, որը առնվազն մեկ տարի հանդիսանում է ՈԻԽ նախագահության անդամ:
- 5.6. ՈԻԽ նախագահի ընտրությունը կատարվում է փակ, գաղտնի քվեարկությամբ: Նախագահի տեղակալի, պատասխանատու քարտուղարի, հանձնաժողովների նախագահների ընտրությունը կատարվում է բաց քվեարկությամբ, եթե այդ մասին այլ որոշում նախագահության կողմից չի կայացվում:
- 5.7. Ընտրված է համարվում այն թեկնածուն, ում օգտին քվեարկում են ներկաների կեսից ավելին: Անհրաժեշտ թվով ձայներ չհավաքելու դեպքում առավելագույն ձայներ հավաքած երկու թեկնածուները անցնում են երկրորդ փուլ: Երկրորդ փուլում ընտրվում է այն թեկնածուն, ում օգտին քվեարկում է ներկաների պարզ մեծամասնությունը:
- 5.8. ՈԻԽ նախագահության անդամների կեսից ավելիի փոփոխության պարագայում կազմակերպվում է ՈԻԽ նախագահի նոր ընտրություն:
- 5.9. Նախագահի տեղակալի, պատասխանատու քարտուղարի, հանձնաժողովների պատասխանատուների թեկնածությունները առաջադրվում են նախագահության անդամների կազմից: Ընտրված է համարվում այն թեկնածուն, ում օգտին քվեարկում է ներկաների կեսից ավելին: Անհրաժեշտ թվով ձայներ չհավաքելու դեպքում առավելագույն ձայներ հավաքած երկու թեկնածուները անցնում են երկրորդ փուլ: Երկրորդ փուլում ընտրված է համարվում առավելագույն ձայներ հավաքած թեկնածուն:
- 5.10. ԵՂՀ ԻՄ ՈԻԽ նախագահը, ով հանդիսանում է նաև ԵՂՀ ԻՄ ՈԻԽ նախագահության նախագահ, ներկայացնում է ՈԻԽ-ն ԵՂՀ ԻՄ Գիտական խորհրդում, տնօրինությունում և համալսարանական այլ օղակներում, ՈԻԽ Համագումարում հանդես է գալիս :

5.11. Սահմանված ժամկետը լրանալու կամ ԵՊՀ ԻՄ-ում ուսումնական տարեկանն ավարտելու դեպքում, ԵՊՀ ԻՄ ՈԻԽ նախագահը վայր է դնում իր լիազորությունները: Այդ դեպքում հայտարարվում են ՈԻԽ նախագահի նոր ընտրություններ:

5.12. ԵՊՀ ԻՄ ՈԻԽ նախագահի տեղակալը նախագահի բացակայության ժամանակ վերջինիս լիազորմամբ ողջ ծավալով կատարում է նախագահի պարտականությունները:

5.13. Պատասխանատու քարտուղարը ղեկավարում է քարտուղարության աշխատանքները:

5.14. ՈԻԽ նախագահությունը՝

ա/ միջոցներ է ձեռնարկում ՈԻԽ Համագումարի որոշումներն իրականացնելու համար,

բ/ Հաստատում է ՈԻԽ նախագահության, քարտուղարության, հանձնաժողովների և ֆակուլտետային ՈԻԽ-ների աշխատակարգերը,

գ/ վավերացնում է ՈԻԽ նախագահի կողմից կնքած պայմանագրերն ու համաձայնագրերը,

դ/ հանձնաժողովներում և ֆակուլտետների ՈԻԽ-ներում կատարվող աշխատանքների մասին լսում է զեկուցումներ,

5.15. Ուսանողական խորհրդի նախագահությունում գործում են իրավական, արտաքին կապերի, լրատվության և հասարակայնության հետ կապերի, գիտակրթական, մշակույթի, սոցիալական և սպորտի հանձնաժողովներ: Անհրաժեշտության դեպքում կարող են ստեղծվել ժամանակավոր հանձնաժողովներ:

5.16. ԵՊՀ ԻՄ ՈԻԽ նախագահությունը նիստեր է գումարում ամիսը առնվազն մեկ անգամ:

5.17. ԵՊՀ ԻՄ ՈԻԽ նախագահության նիստը իրավագոր է եթե ներկա են անդամների կեսից ավելին: Որոշումներն ընդունվում են ներկաների պարզ մեծամասնությամբ:

5.18. ԵՊՀ ԻՄ ՈԻԽ նախագահի որոշմամբ կամ նախագահության անդամների 1/2-ի պահանջով կարող է հրավիրել ԵՊՀ ՈԻԽ նախագահության արտահերթ նիստ:

6. ՖԱԿՈՒԼՏԵՏԱՅԻՆ ՈՒՍԱՆՈՂԱԿԱՆ ԽՈՐՀՈՒՐԸ

- 6.1. Ֆակուլտետի ուսանողության ինքնակառավարման մարմինը ֆակուլտետի Ուսանողական խորհուրդն է:
- 6.2. Ֆակուլտետի ՈՒԽ անդամներ կարող են ընտրվել միայն այն ուսանողները, ում վերջին երկու կիսամյակի միջին գնահատականը 20 միավորանոց գնահատման համակարգով 13 և ավելի միավոր է: Առաջին կուրսի դեպքում դիտարկվում է միայն մեկ կիսամյակի արդյունքները:
- 6.3. Ֆակուլտետի ՈՒԽ-ն փակ, գաղտնի քվեարկությամբ իր կազմից ընտրում է ֆակուլտետի ՈՒԽ նախագահ, քարտուղար, ովքեր հաշվետու են ֆակուլտետի ՈՒԽ-ին և ԵՊՀ ԻՄ ՈՒԽ նախագահությանը:
- 6.4. Ֆակուլտետային ՈՒԽ նախագահը և քարտուղարը վայր են դնում իրենց իազորությունները ֆակուլտետային ՈՒԽ կամ ԵՊՀ ԻՄ ՈՒԽ նախագահության որոշմամբ:
- 6.5. Ֆակուլտետի ՈՒԽ-ն նիստ է գումարում առնվազն ամիսը մեկ անգամ. արտահերթ նիստ գումարվում է ֆակուլտետի ՈՒԽ նախագահի, ՈՒԽ անդամների 1/2-ի պահանջով կամ ԵՊՀ ԻՄ ՈՒԽ նախագահության որոշմամբ: Նիստն իրավագոր է, եթե նրան մասնակցում են ֆակուլտետային ՈՒԽ անդամների կեսից ավելին, որոշումներն ընդունվում են ներկաների թվի ձայների պարզ մեծամասնությամբ:
- 6.6. Ֆակուլտետի ՈՒԽ-ն կազմակերպում է ֆակուլտետի ՈՒԽ-ի աշխատանքները՝ համալսարանի ՈՒԽ-ի նպատակներին և գործունեության հիմնադրույթներին համապատասխան:
- 6.7. Սույն Կանոնադրությամբ չնախատեսված դեպքերում ֆակուլտետի ՈՒԽ-ն գործում է ԵՊՀ ԻՄ ՈՒԽ նախագահության որոշումների համաձայն:

7. ՖԻՆԱՆՍԱԿԱՆ ՄԻՋՈՑՆԵՐԸ

- 7.1. Ուսանողական խորհրդի ֆինանսական միջոցները գոյանում են ԵՊՀ ԻՄ հատկացումներից, հանգանակություններից, նվիրատվություններից և ԵՊՀ ԻՄ Կանոնադրությանը, սույն Կանոնադրությանը չհակասող և ՀՀ օրենսդրությամբ չարգելված այլ աղբյուրներից:

8. ՎԵՐՍՏՈՒԳԻՉ ՀԱՆՁՆԱԺՈՂՈՎ

- 8.1. Վերստուգիչ հանձնաժողովն իրականացնում է ՌԻսանոդական խորհրդի որոշումների կանոնակարգային համապատասխանության և ֆինանսական միջոցների ու գույքի օգտագործման նկատմամբ վերահսկողությունը:
- 8.2. Հանձնաժողովի կազմը (ընդհանուր թվով երեք հոգի) ընտրվում են ՌԻԽ Համագումարի կողմից՝ երկու տարի ժամկետով՝ բաց քվեարկությամբ: Հանձնաժողովն իր կազմից ընտրում է նախագահ:
- 8.3. Վերստուգիչ հանձնաժողովը հաշվետու է միայն Համագումարին:

9. ՌԻԽ ԼՈՒԾԱՐՈՒՄԸ ԵՎ ՎԵՐԱԿԱԶՄԱՎՈՐՈՒՄԸ

- 9.1. ԵՊՀ ԻՄ ՌԻԽ-ն լուծարվում և վերակազմավորվում է ՀՀ օրենդությամբ, ԵՊՀ ԻՄ կանոնադրությամբ նախատեսված դեպքերում, ինչպես նաև ԵՊՀ ԻՄ ՌԻԽ Համագումարի անդամների 2/3-ի որոշմամբ:
- 9.2. Լուծարման կապակցությամբ ստեղծվում է լուծարքային հանձնաժողով, որը կազմում է վերջնահաշիվ: Լուծարված ԵՊՀ ԻՄ ՌԻԽ-ի գույքը և միջոցները համարվում են ԵՊՀ ԻՄ-ի սեփականությունը: